

Na osnovu člana 19., 60. i 66. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), člana 7., 19., 112., stav (1), 180. i 181. Zakona o radu ("Službene novine Federacije Bosne i Hercegovine", broj: 26/16 i 89/18), člana 74., stav (3) i (4) Zakona o državnoj službi u Kantonu Sarajevo ("Službene novine Kantona Sarajevo", broj: 31/16 i 45/19), člana 11., 17., 23., 25., 47. i 110. Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 14/21), Uredbe o radnom vremenu u organima uprave Kantona Sarajevo ("Službene novine Kantona Sarajevo", broj 39/17), uz saglasnost Sindikalne organizacije kantonalnih organa državne službe Kantona Sarajevo i pozitivna mišljenja Ministarstva pravde i uprave Kantona Sarajevo i Ureda za zakonodavstvo Vlade Kantona Sarajevo, direktor Zavoda za informatiku i statistiku Kantona Sarajevo donosi

PRAVILNIK  
O IZMJENAMA I DOPUNAMA PRAVILNIKA O RADNO-PRAVNIM ODNOSIMA DRŽAVNIH  
SLUŽBENIKA I NAMJEŠTENIKA ZAVODA ZA INFORMATIKU I STATISTIKU KANTONA  
SARAJEVO

Član 1.  
(Dopuna člana 4. Pravilnika)

U Pravilniku o radno-pravnim odnosima državnih službenika i namještenika Zavoda za informatiku i statistiku Kantona Sarajevo ("Službene novine Kantona Sarajevo", broj: 25/20) (u daljnjem tekstu: Pravilnik), u članu 4., iza stava (3) dodaju se novi stavovi (4) i (5) koji glase:

"(4) Radnim vremenom se ne smatra vrijeme u kojem je državni službenik i namještenik pripravan odazvati se pozivu neposredno nadređenog ili direktora Zavoda za obavljanje poslova, ukoliko se ukaže takva potreba.

(5) Pripravnost za rad se odnosi na slučajeve kada se može pojaviti potreba za neophodno izvršenje ili praćenje neodložnih poslova, o čemu direktor Zavoda donosi posebno rješenje."

Član 2.  
(Dodavanje novog člana 13a)

U Pravilniku, iza člana 13. dodaje se novi član 13a (Poslovi s posebnom prirodom) koji glasi:

"Član 13a  
(Poslovi s posebnom prirodom)

(1) Poslovi s posebnom prirodom su poslovi planiranja, razvoja i održavanja informacionog i komunikacionog sistema koje obavljaju državni službenici i namještenici.

(2) Radna mjesta u Zavodu s posebnom prirodom poslova su:

- a) direktor Zavoda;
- b) pomoćnik direktora za informatiku i razvoj;
- c) šef Službe za informatiku;
- d) šef Službe za razvoj i održavanje projekata;
- e) stručni savjetnik-mrežni inženjer;
- f) stručni savjetnik-sistem inženjer;
- g) stručni savjetnik-projektant softvera;
- h) viši stručni saradnik-programer softvera;
- i) viši stručni saradnik za informacioni sistem;
- j) stručni saradnik-sistem administrator;
- k) stručni saradnik za koordinaciju projekata i pravna pitanja;
- l) viši samostalni referent za razvoj web stranica i aplikacija;
- m) viši samostalni referent-programer softvera;
- n) viši referent-programer softvera;

- o) viši referent-administrator;
- p) viši referent za podršku.“

### Član 3.

(Izmjena i dopuna člana 16. Pravilnika)

- (1) U članu 16. Pravilnika, stavu (1) riječi: “člana 7.“ zamjenjuju se riječima: “člana 15.“
- (2) U istom članu, u stavu (1), iza tačke e), dodaje se nova tačka f) koja glasi:  
“f) Po osnovu uslova rada i prirode posla: rad na poslovima s posebnom prirodom.....3 (tri) dana.“

### Član 4.

(Izmjena člana 23. Pravilnika)

U članu 23. Pravilnika, stavu (3), riječi: “najmanje 1 (jedan) dan“ zamjenjuju se riječima: “2 (dva) dana“.

### Član 5.

(Dopuna člana 25. Pravilnika)

- (1) U članu 25. Pravilnika, ispred riječi: “Državni službenik i namještenik“ dodaje se oznaka stava: “(1)“.
- (2) U istom članu, iza stava (1) dodaju se novi stavovi (2), (3), (4) i (5) koji glase:  
“2) Direktor Zavoda je obavezan planirati i osigurati troškove polaganja stručnog ispita namještenicima koji se primaju u radni odnos s obavezom polaganja stručnog ispita u propisanom roku.
- (3) Zavod će u skladu s mogućnostima i potrebama rada omogućiti školovanje, stručno osposobljavanje ili usavršavanje isključivo za potrebe Zavoda.
- (4) Državni službenik ili namještenik, koji se upućuje na školovanje, stručno osposobljavanje ili usavršavanje isključivo za potrebe Zavoda, ima pravo na plaćeno odsustvo u trajanju do 1 (jedne) godine.
- (5) Međusobna prava i obaveze, ukupni troškovi, trajanje, način korištenja i izvještavanje o svim važnim informacijama koji se odnose na korištenje prethodno navedenog prava se regulišu posebnim rješenjem direktora Zavoda.“

### Član 6.

(Dodavanje novog člana 34a Pravilnika)

Iza člana 34. Pravilnika dodaje se novi član 34a koji glasi:

#### “Član 34a.

(Primjena povoljnijeg prava)

Ukoliko je neko pravo ili obaveza iz radno-pravnog odnosa državnog službenika i namještenika različito uređeno važećim Zakonom o radu, važećim propisima iz radno-pravnih odnosa ili važećim propisima Zavoda, za državnog službenika i namještenika se primjenjuje najpovoljnije pravo.“

### Član 7.

(Stupanje na snagu)

Ovaj Pravilnik stupa na snagu narednog dana od dana objave u “Službenim novinama Kantona Sarajevo“.

Broj: 26-02-20834-5/21  
Sarajevo, 12.08.2021. godine

